

ՀԱՂՈՐԴԻՈՒՄՆԵՐ

ԱՐՄԵՆ ՀԱՐՈՒԹՅՈՒՆՅԱՆ

պարմական գիր. թեկնածու

ԵՒՍ ՄԻ ՆՈՐԱՀԱՅՏ ՆՎԻՐԱԳԻՐ Ս. ՀՈՒՓՄԻՄԵՒ ՎԱՆՔԻՑ

Ս. Հոփսիմեի վանքի բազմաթիվ վիմագրերի շարքում աչքի է ընկնում քաճարի արևմտյան մուրքի բարավորի՝ մինչ օրս ուշադրության չարժանացած արձանագրությունը: Այն քեղ-քեղ եղծված է, սակայն անեղծ բառերի օգնությամբ հնարավոր եղավ ընթերցել: Արձանագրությունը, որ մոտ 5 մ բարձրության վրա է, վաղ պահպանվածության պարծառով ընդօրինակեցին շոշափելով ու հնարավորին չափ մաքրելով¹: Ըստ էության այն եղել է սվադի շերտի քակ և բացվել է Վազգեն Ա. (1955-1994) Ամենայն Հայոց Կաթողիկոսի օրոք՝ վանքում քարվող նորոգման ու բարեկարգման աշխատանքների ժամանակ: Դրանով է պայմանավորվում վիմագրի՝ մինչ օրս անհայտ մնալու հանգամանքը: Ս. Հոփսիմեի վանքի վերաբերյալ առկա գրականության էջերում, այս արձանագրությունը կամ նրա մասին որևէ քեղեկություն մեզ չի հասել: Անգամ եթե հաշվի առնենք այն հանգամանքը, որ վիմագիրը չի ընդօրինակվել անմիջապես վիճակում լինելու պարծառով, ապա գոնե քեղագիրները (Հովհ. Շահխաթունյանց, Դ. Ալիշան, Ա. Մխիթարյանց և այլք) կակնարկեին վերջինիս գոյության մասին: Մինչ արձանագրությանն անցնելը հարկ ենք համարում նշել Ս. Հոփսիմեի վանքում՝ քարքեր քարինների քարվող վերանորոգումների վերաբերյալ որոշ քեղեկություններ, որոնք կարող են ինչ-որ կերպ ծառայել խնդրի լուծմանը:

Ս. Հոփսիմե կույսի նահապետական վայրում Սահակ Ա. Պարթև (387-436) Կաթողիկոսի հիմնած «անշուք ու մթին» վկայարանի քեղում 618 թ. Կոմիտաս Ա. Աղցեցի (615-628) Կաթողիկոսի կառուցած քաճարի նորոգչական ու բարեկարգման աշխատանքների վերաբերյալ մինչև ԺԷ. դարը որևէ քեղեկություն չի պահպանվել: Միայն ԺԷ. դարի պարմիչ Առաքել Դավրիժեցին, նկարագրելով քաճարի անմիջապես վիճակը, գրում է, որ Փիլիպպոս Ա. Աղբակեցի (1633-1655) Կաթողիկոսը, ի թիվս իր օրոք կատարած մի շարք եկեղեցաշինական աշխատանքների, ծավալեց նորոգման ու բարեկարգման գործունեություն նաև այս վանքում. «...գի յարարաթուսք կուտե եկեղեցոյն գլուխ կաթողիկէին, և քանիքն բովանդակ, և երեսք որմնոցն և յարակց նորին. իսկ ի ներսի կողմանե բեմն, և սալարկ յարակն, և չորից խորանոց մեջն, այս ամենայն գոր յիշեցի, աներևալ

1 Արձանագրության ընդօրինակման գործում մեզ աջակցեց վիմագրագետ, պ.գ.թ. Գագիկ Մարգարյանը. հայտնում ենք մեր շնորհակալությունը:

և քայքայեալ էր. վասն որոյ բազում ջանիւ և յոքնակի աշխատութեամբ, գուն գործեալ մինչև զամենայն նորոգեալ կադարեցին, և ի վերայ զազաթան եկեղեցոյն կառուցին զնշան տրեւմանկան խաչին»²: Ներագայում վանքում նորոգչական ու կառուցողական աշխատանքներ են կատարվել նաև Կաթողիկոսներ Եղիազար Ա. Այնթապցու (1681-1691), Սիմեոն Ա. Երևանցու (1763-1780), Ղուկաս Ա. Կարնեցու (1780-1799), Մկրտիչ Ա. Վանեցու (Խրիմյան Նայրիկ) (1892-1907) և այլոց գահակալման փարիներին: Նայր-նի է, որ Խրիմյան Նայրիկի օրոք՝ 1898 թ., Ս. Նոիփսիմնի փաճարում կատարվող նորոգումների ժամանակ՝ Ավագ սեղանի երեսամասում, որմերի ծեփից բացվել է Կոմիտաս Կաթողիկոսի երկրորդ արձանագրությունը³, ինչպես նաև Ավագ սեղանի աջակողմյան որմին՝ աստիճաններից վեր փորագրված 1296 թվականը կրող արտոնագիրը: Խոսելով հարկապես Կոմիտաս Կաթողիկոսի երկրորդ արձանագրության մասին՝ Գարեգին Նով-սեփյանը նշում է, որ այն անեղծ է, միայն մի քանի տեղեր ծեփը մաքրելիս վարպետների անզգուշության պարճառով փոքր-ինչ վնասվել է⁴: Գ. Նովսեփյանը ոչինչ չի նշում սույն հոդվածի խնդրո առարկա արձանագրության մասին, ուստի կարելի է ենթադրել, որ այն բացվել է ավելի ուշ, քանզի դժվար թե աննկատ մնար նրա կողմից: Ի փարբերություն նախորդ արձանագրությունների՝ խնդրո առարկա վիմագրի փառերի փորվածքներում մասնակիորեն պահպանվել են սվադի, ծեփի մնացորդները, և այս արձանագրությունը որոշակիորեն վնասվել է մաքրման ժամանակ:

Ս. Նոիփսիմնի փաճարի վերանորոգման աշխատանքներն ընթացք են ստանում նաև 1936, ապա 1945 թվականներին: Այս փարիներին է Նայասարանի հուշարձանների պահպանության կոմիտեի որոշմամբ ամրացվում են փաճարի հիմքերը, ապա նորոգվում են զերևախարիսխները, փանիքը, գմբեթը, պարիսպները, հարակից շենքերն ու բակը: Այդուհանդերձ, Ս. Նոիփսիմնի փաճարում հիմնական վերանորոգումներն սկսվում են 1955 թվականից, այսինքն՝ Վազգեն Ա. երջանկահիշատակ Նայրապետի գահակալման առաջին իսկ փարվանից: Նպատակ ունենալով վերականգնել փաճարի հնամենի տեսքը՝ Նայրապետի անմիջական համաձայնությամբ որոշվում է նախ հետազննել ԺԹ. դարի վերջում արված շինության ներսի որմերի ծեփը, որը միայն խաթարում էր փաճարի հնամյա տեսքը: 1958 թ. մայիսին, ճարտարապետ Նրանտ Նակոբյանի ղեկավարությամբ սկսվում են ծեփի մաքրման աշխատանքները՝ կրաքի հեքքերի վերացման համար կիրառելով նաև ավազաշիթ մեքենա⁵: Աշխատանքներն անցնում են բարեհաջող՝

2 **Առաքել Դարիժեցի**, Գիրք պարմութեանց, աշխատասիրությամբ Լ. Ա. Խանլարյանի, Երևան, 1990, էջ 268:

3 Կոմիտաս Կաթողիկոսի առաջին արձանագրությունը, որ ավելի ծավալուն է, փորագրված է փաճարի արևմտյան պարիսխ՝ արարթոսար: Արձանագրությունը տեսանելիության առումով անմարչելի տեղում է, քանի որ հեղազայում կառուցված զանգակատունը գրեթե ամբողջովին ծածկում է այն:

4 **Գարեգին վարդ. Յովսեփյան**, Կոմիտաս կաթողիկոսի մի նոր արձանագրություն. «Արարատ», 1898, հոկտեմբեր, էջ 441:

5 **Վ. Նարությունյան**, Պարմություն Ս. Էջմիածնի Մայր Աթոռի շինարարական գործունեության Ամենայն Նայոց Կաթողիկոս Վազգեն Առաջինի գահակալության օրոք (1956-1980). «Վերանորոգման և բարեփոխման աշխատանքներ Ս. Նոիփսիմնի եկեղեցում», «Էջմիածին», 1984, Գ., էջ 33, նաև **Է. Մելիքյան**, Նոիփսիմնի փաճարի վերակառուցումների բնույթը. «Գիտություն և տեխնիկա», 1978, թ. 4 (176), էջ 22:

տալով գիտությանը անհրաժեշտ արդյունքներ: Դրանց մասին հեղափոխում պրոֆ. Վ. Նարությունյանը գրում է, որ բացի նրանից, որ ծեփի հեռացման արդյունքում բացվեց փաճարի հնամյա տեսքը գորշավուն փոփ քարի իր բնական երանգներով, «...գմբեթի ներքին սփերիկ մակերևույթի վրա բացվեցին վարպետների բազում նշաններ⁶, որոնց համեմատումը փաճարի արքայքին նշանների հետ միանգամայն համոզում է, որ դրանք հիմնականում նման են միմյանց, այսինքն գմբեթի ներքին սփերայի շարվածքը նախնական է, անեղծ, այսինքն՝ վերանորոգման չի ենթարկվել...», ինչպես նաև բացվեցին գմբեթաբակ չորս անկյուններում առկա հովհարաձև տրոմպներ⁷: Յավոք, Վ. Նարությունյանն այսքանով եզրավակում է ծեփից բացված նորությունների թվարկումը՝ ոչինչ չասելով մեզ հուզող արձանագրության մասին:

Բարեբախտաբար, հարցը լուծվում է վերանորոգման աշխատանքները ղեկավարող, ճարտարապետ Նր. Նակոբյանի մի հոդվածում տեղ գրած տեղեկատվությամբ, որ հրապարակվել է հեղինակի մահից տարիներ անց: Այն, որ Ս. Նոյիսիմի խնդրո առաքելա նվիրագիրը եւս բացվել է վերոնշյալ նորոգման ժամանակ՝ որմերի ծեփը մաքրելիս, հավաստում է ճարտարապետը: Թեպետ համառոտ, բայց նա նշում է, որ ի թիվս ճարտարապետական տեսանկյունից ուշագրավ բացահայտումների՝ «... բացվեցին նաև երեք արձանագրություն և մի քանի ծածկագիր հիշեցնող արձանագրություններ:

ա. Արևելյան արքայի կենտրոնական և հարավային լուսամուկների տակ՝ երկու քարի վրա անկանոն գրված: Գրված լինելով փոփ քարի վրա, որը մինչև ծեփը խիստ հողմահարված է եղել և ծեփելուց հետո որոշ չափով վնասվել, արձանագրությունը ներկայումս գրեթե անընթեռնելի է:

բ. Երկու արձանագրություն արևմտյան կենտրոնական մուրքի վրա՝ կամարի և լուների ներսի (տիմպանի) քարի վրա: Դա մի նվիրատվական արձանագրություն է: Մուրքի բարավորի վրա քանդակված խաչի կողքերում եղած արձանագրությունը նույնպես գրված է անկանոն և ղժվար ընթեռնելի է»⁸: Արևմտյան դռան վերին մասի երկու արձանագրություններ ասելով նկատի է առնվում խնդրո առաքելա նվիրագիրը, պարզապես Նր. Նակոբյանը բարավորի կամարին փորագրված թվականն ընդունել է իբրև առանձին վիմագիր, մինչդեռ այն վերաբերում է միևնույն արձանագրությանը:

Կարծադրված աշխատանքներն ունենին նաև ճարտարապետական նշանակություն: Ծեփի հեռացումը պարզեց, որ պատերի, արքայիների, մույթերի սյուրին մասերը, ինչ-

6 Ծեփից բացված քարերի վրա առկա վարպետների նշանները, որ հիմնականում կորագծեր են, խաչեր, աստղաձևեր, առանձին փառեր ու կցագրեր, ճարտարապետ Նր. Նակոբյանը դասակարգում է ըստ տեղանքի՝ ներսի ցածր մասերում, ճակարներին և գմբեթի վրա՝ ներքոստ: Նարկապետ ուշագրավ են գմբեթի վրա բավականին պարզաված «ՄՄ», «Տ», «ՄՊ», «ՄԼ» կրճար գրերը, որոնք, հավանաբար, ճարտարապետի, քարգործ վարպետների անվան սկզբնատառերն են կամ հապավված ձևերը: **Նրանք Նակոբյան**, Նորահայր նյութեր Նոյիսիմի փաճարի վերաբերյալ. «Հայկական արվեստ», թ. 1, Նին և միջին դարեր, ծանոթագրությունը Յու. Թամանյանի, Երևան, 1974, էջ 52:

7 Վ. Նարությունյան, անդ, էջ 34:

8 Նր. Նակոբյան, անդ, էջ 52, ենթադրելի է, որ ճարտարապետը փորձել է ընթերցել արձանագրությունը և հոդվածում նշել է բովանդակության նվիրատվական բնույթը և ոչ ավելին:



Ս. Հռիփսիմն վանքի արևմտյան մուտքի բարավորի արձանագրությունը



Նկ.1

պես նաև կիսակոթ խորշերի փրոմպային անցումները վերանորոգման կարիք ունեն⁹: Տաճարի ներսում՝ հյուսիսարևմտյան մույրի վրա, մոտ 1 քմ մակերեսով պահպանվել է նախկին ծեփը՝ մոտ 1.5 սմ հաստությամբ (նկ. 1): Պարզվում է, որ տաճարի արևմտյան խորանում, ձախ պարիսն հենած ԺԲ.-ԺԳ. դարերին բնորոշ է իր փեսակով եզակի խաչքարը նախկինում դրված է եղել հիշյալ փեղում և միայն երեք փարի առաջ է փեղափոխվել: Նավանաբար ծանրության պարճառով խաչքարը չին փեղափոխել նորոգման ժամանակ և քարի հենման հարվածում ծեփը մնացել է: Ուշագրավ է ծեփին պահպանված սև թանաքով գրությունը. «1931 թ. սեպ. 29-ին, Լեվոն Սուճիեանց»: Նավանաբար, հիշյալ գիրը վերաբերում է խաչքարը Վաղարշապատ փեղափոխելուն, այսինքն՝ Արևմտյան Նայաստանից այն բերել է 1931 թ. սեպտեմբերի 29-ին Լևոն Սուճիեանցը:

Դառնալով արձանագրությանը նշենք, որ թվականը փորագրված է բարավորի ձախակողմյան կամարածև թարին, իսկ բուն արձանագրությունը՝ բարավորին, ինը փողից.



Պրնալիս 1.

Ի ԹՎԻՍ ՉԾԱ. (1302)՝ ՅՈՒՍՈՒՆ ԼՆՄԱՏԻՆ, ԱՅ ԵԼԻ՝ ՈՂՈՐՄՈՒԹԵԱՄԵ ԻՄ
ՊԱՐՈՆԱՅՆ ՇԱՀՆԵԱՏԻ ԵԼԻ՝ ԻՄ ԵՂԱՐՇՆ, ԵՍ ՍԱՐԳԻՍ ՄՈՆԹԱ ԿՈՇԵՑԻ,
ՄԱՐԱՆԵՑԱՄ ԱԲ ՆՈՒՓՍԻՄԻ ԳԵՐԵՋՄԱՆԱՅՍ ԵԼԻ՝ ԹՈՐԻ ԶԻՄ ՆԱԿԱ
ՊԱՐՇԵՆ :Թ: (1000) ՍՊԻՏԱԿ, ՈՐ ՅԻՄ ՅԵՏ ԵԼԻ՝ ...ԱՅԼ ՈՉ ՈՒՄ ԳԴԱԻ ԶԿԱՅ
ՆԵՆՏ ՄԱԼԵՑԱ, ՈՉ ՄԵԾԱՅԻ ԵԼԻ՝ ՈՉ ՓՈՔԵՐ, ԵԼԻ՝ ՍՈՔԱ ՔԱՆՆԱԼԵ ԵԼԻ՝
ՏԱՆՈՒՏԻՔ ԱՏԻՆ, ՅԱՄԵՆ ՏԱՐԻ :Գ: (3) ՊԱՏԱՐԱԳ ԼՆԵՆ ՅԱՅՆՈՒԹԵԱՄԻՆ՝
:Ա: (1) ԻՆՁ, :Ա: (1) ԹԱՃԵՐԻՆ, :Ա: (1) ԱԶԱՏՆԵՆԱ, ԿԱՏԱՐԻԶ ԳՐՈՅՍ ԱԽՆՆԵՆ
ԹԱՅ ԵՒ ԽԱՓԱՆՈՂՔՆ ԴԱՏԻ Ի ՏԷ:

Նկ. 2 ա, ք

Վիճադրում հիշվող նվիրապուն Սարգիս մոտ Կոշեցին է, որ Նայոց ՉԾԱ. (1302) թվականին Ս. Նոսիսիմի վանքին է ընծայում հազար սպիրակ, այսինքն՝ արծաթե

⁹ Տե՛ս **ՅՈՒ. Թ-ամանյան**, Նուշարձաններին նոր կյանք, Երևան, 1988, էջ 83:

դրամ: Ուշագրավ է, որ նվիրաբերությունը կատարվել է ոչ թե վիճաբերում լայնորեն փարածված «ՄԲ ուխտին» կամ «ՄԲ եկեղեցոյս», այլ «ՄԲ ՆՈՒՓՄԻՄԻ ԳԵՐԵԶՄԱՆՆԱՅՍ», որ, հավանաբար, այսպես է կոչվում քաճարի՝ Ս. Նոբիսիմնի նահապետական տեղում կառուցված լինելու պարծառով, որտեղ և ամփոփված են Սուրբ Կոյսի նշխարները:

Վիճաբերում հստակ նշվում է, որ նվիրաբերած դրամն իրավունք չունեն օտարել ո՛չ մեծերը, ո՛չ փոքրերը, ո՛չ վանքի քահանաները և ո՛չ քանդակները, այսինքն՝ այն անձեռնմխելի է: Այս երևույթը փարածված է եղել նվիրագրերում, քանի որ դրանք բաշխվել են նվիրաբերողի ցանկության համաձայն և անցնելով նոր տիրոջը (տվյալ դեպքում հոգևոր հաստատությանը - Ա. Ն.) համարվել են անձեռնմխելի¹⁰: Այն, որ եկեղեցուն կամ վանական հաստատությանն արված նվիրաբերությունը ոչ ոք իրավունք չունի սեփականելու, այսինքն նվիրաբերվող օբյեկտից օտարելու, նշվում է նաև Մխիթար Գոշի Դավառսարանագրքի «Յաղագս դարասարանաց նուիրաց յեկեղեցի հող, կամ ջուր, կամ այգի, կամ այլ ինչ այսպիսի» հոդվածում: Ըստ այդմ, ընծայած գույքը կարող են միայն նախկին նվիրատուները վերստին նվիրել մեկ այլ հաստատության՝ առաջինի քանդված լինելու և չվերակառուցելու դեպքում. «Եթե պարսի աւեր եկեղեցոյն, յոր նուէրն եղև, թէ ի վանս, թէ ի գեղջ, և աշխարհականք բնակելով առցեն և կերիցեն, իշխանք լիցին նուիրողքն առնուլ և յայլ եկեղեցիս նուիրել, թէ չիցէ կարծիս շինութեան, ապա թէ իցէ՝ ինքեանց հոգևորապէս մարակարարիցեն, մինչև շինիցի, և ապա անդրէն հաստատիցեն...»¹¹: Գոշը նշում է նաև, որ տեղի կրոնավորներն իրավունք ունեն կալվածները փութիւնել սեփականության իրավունքով՝ սպառված եկամուտները փրամադրելով տվյալ շինության վերակառուցմանը. «Այլ թէ պարսի գաւերեալ եկեղեցոյ գծողվուորդ առնուլ այլ եկեղեցի, յորժամ շինիցի՝ առանց ամենայն հակառակութեան անդրէն հաստատեսցէ եպիսկոպոսն»¹²: Նկատելով, որ Ս. Նոբիսիմնի վերանշյալ նվիրագրով արգելվում էր ընծայած դրամն օտարել կամ գրավ դնել անգամ քահանաներին:

Սարգիս Կոշեցու՝ Ս. Նոբիսիմնի վանքին իբրև անձեռնմխելի գույք նվիրաբերած հազար սպիտակը կարելի է նույնացնել վիճաբերում բազմիցս հիշատակվող ունեցվածքի, կալվածքի փութիւնման մի գործառնության հետ, որ ընդունված է կոչել «վախմ» կամ «վակֆ»: Նր. Աճառյանը «վախմ»-ը մեկնաբանում է «իբրև բարեպաշտական ունեցեկեղեցուն կրակուած հող կամ կալուած», որի նախնական գործածության հանդիպում է Սանահինի վանքի 1183 թ. մի վիճաբերում¹³: Բառը գրվում է զանազան ձևերով՝ ոխֆ,

¹⁰ Տե՛ս Գր. Մ. Գրիգորյան, Մյունխենի վանական կալվածաիրիությունը IX-XIII դարերում, Երևան, 1973, էջ 70:

¹¹ Մխիթար Գոշ, Գիրք դարասարանի, աշխատասիրությամբ՝ Խոսրով Թորոսյանի, Երևան, 1975, էջ 147:

¹² Անդ, էջ 147:

¹³ Կ. Դաֆադարյանն այս վիճաբերքը ներկայացնում է այն արձանագրությունների կազմում, որոնք տեղում չի տեսել և մեջբերում է նախկին հրապարակություններից, ըստ որոնց այն փորագրված է եղել Ամենափրկիչ եկեղեցու մուրքի ճակարհին: Ըստ վիճաբրի՝ Օրբելյան Բվանե սպասալարը, վրաց Գեորգի թագավորի օրոք, ուխտի է գալիս Սանահինի վանքի Ս. Աստվածածին եկեղեցի, ուր այդ շրջանում առաջնորդ էր Գրիգոր Տուրբուրդի եպիսկոպոսը և «...տեսի գլխապակս նախնեաց մերոց, որ մեր ամենայն գաւառքն՝ թէ՛ քաղաք և թէ՛ գիւղք, ազատօք և շինականօք յերանելի թագաւորաց և ի նախնեաց մերոց վախմ էր քաւած սուրբ

ոխվ, ոխու, ոխու, ողջ, ողճ եւ այլն: Այս արեւմինն ունի արաբական ծագում՝ նույնանալով «վակֆ»-ի (vaqf) հետ¹⁴, որ բովանդակում է վաճառքն արգելված կալվածքը կամ ունեցվածքը, որն իր ձեռքին ունեցողը կարող էր միայն օգտվել դրա հասույթից, այլ ոչ երբեք օտարել: Անդրադառնալով բառիս քննությանը՝ Ա. Տեր-Ղևոնդյանը գրում է. «Վակֆ են կոչվում այն հողերը, որոնք բարեգործական նպատակներով առհավելք նվիրված են մահմեդական կրոնական հաստատություններին: Վակֆ էին համարվում նաև քրիստոնեական վանքապարկան կալվածները: Խալիֆայության ժամանակ վակֆ էին համարվում նաև այն հողերը, որոնք խալիֆայության կողմից բռնի կամ պայմանագրով վերցված էին նախկին տերերի ձեռքից, այն պայմանով, որ վերջիններս մնալով իրենց հողերի վրա, օգտագործեն այն վճարելով հողահարկ (խարաջ)»¹⁵: Մշակովի այն հողերը, որոնք անցնում էին կրոնական հաստատություններին, Բ. Առաքելյանն անվանում է վակուֆային հողեր: Նման հողեր կային բոլոր այն վայրերում, ուր գտնվում էին սգկիթներ եւ կրոնական հաստատություններ: Վակուֆը մի երեսույթ էր, որը փոփոխող հոգևորականի կամ կրոնական հաստատության եկամույսները գոյանում էին այդ տիրույթների վրա աշխատող բնակչության հարկերով¹⁶: Բերենք վիմագրերում «վախմ»-ի հիշարկմամբ մի քանի օրինակներ: Այսպես, ըստ Սանահնի վանքի գրադարան նախագավթի պատմահանրեքից մեկի վերին մասի վիմագրի՝ ոմն Սարգիս միաբանելով Ս. Աստվածածին եկեղեցուն. «...Էրու :Ծ: (50) սպիտակ, :Ա: (1) շուրջառ: Վարդապետս՝ Աւերիս եւ միաբանքս հաստատեցին ինձ :Գ: (3) պարարագ ի փանի Դարի եւ Յակոբ անխափան»¹⁷, Սյրեփանակերպի Պրկի Ս. Գևորգ եկեղեցու հարավարեւմտյան սյան վրա կարդում ենք, որ ոմն Ղուկաս վարդապետ, շինելով մեկ ջաղաց (ճաղաց) «...դվի վախմ ԽԲ ուխդիս Գևորգա ի փրկութիւն հոգոյ իմոյ...»¹⁸, կամ ըստ Մեծ Բանանց գյուղի եկեղեցու զանգակարան հյուսիսարեւելյան մույթի արձանագրության՝ «Ես Պաղտասարի որդի մահպետի Ներսես եւ Օսէփս Կովինք ԽԲ Անապարիս:Ա: (1) թուման վախմ, սոքա Կովին մեզ Կարէն :Դ: (4) ժամ...»¹⁹: Վիմագրերում սակավաթիվ են դրանք իբրեւ վախմ անելու վկայությունները, այդուհանդերձ, կարծում ենք, հիշյալ նվիրագիրն այդ օրինակներից մեկն է:

Սարգիսը վիմագրում հիշվում է որպես կոշեցի: Կոշ անունով գյուղեր են հիշարկվում Էրզրումի նահանգի Բաբերդի գավառում՝ Ճորոխ գետի հովտում, Ղազախի գավառում՝ Իջուան քաղաքի մերձակայքում, որ Գոշ է կոչվում, ինչպես նաև ներկայիս Արագածոտնի մարզում, որ հնում կոչվել է Կովաշ (Կուաշ) եւ մտնել է Մեծ Նայքի Այրարար

Աստվածածին, եւ նույնիսկ փակած. մեք ես նախնեաց մերոց հետեւելով մեր ամենայն գաւառքն քաղաքս, գիւղիք, ագապարք եւ շինականաք վերստին վախմ փառք սուրբ Աստվածածնիս...» (ընգծումները մերն են - Ա. Ն.): Կ. Ղաֆադարյան, Սանահնի վանքը եւ նրա արձանագրությունները, Երեւան, 1957, էջ 189, արձ. 184: Նման. «Վիմական փարեգիր», կազմեց՝ Կ. Կոստանեանց, Ս. Պետրեբուրգ, 1913, էջ 35:

14 Տե՛ս Ն. Բաղդասար, Նայքերն արմարական բառարան, Դ. հատոր, Երեւան, 1979, էջ 295:

15 Արաբական աղբյուրներ, Բ., Իրն Ավ-Ասիր, թարգմանություն բնագրից, առաջաբան եւ ծանոթագրություններ Արամ Տեր-Ղևոնդյանի, Երեւան, 1981, էջ 380, ծմբ. 143:

16 Տե՛ս Բ. Ն. Առաքելյան, Քաղաքները եւ արհեստները Նայասարանում IX-XIII դարերում, հ. 2, Երեւան, 1964, էջ 270-271:

17 Կ. Ղաֆադարյան, Անդ, էջ 164-165, արձ. 131:

18 «Դիվան հայ վիմագրության», սյր. V, կազմեց՝ Ս. Գ. Բարխուդարյան, Երեւան, 1982, էջ 138, արձ. 460:

19 Անդ, էջ 264, արձ. 1021: (Ընդգծումը՝ Ա. Ն.):

նահանգի Արագածոտն գավառի մեջ, ուր ըստ ավանդության՝ բնակություն է հաստատել բիրյակական Քանանի որդի Քուշը, որի անվան աղավաղումից էլ առաջացել է Ավաշ անունը²⁰։ Սարգիսը, որ հավանաբար, Այրարատ նահանգի Կոշ գյուղից է, վիմագրում իրեն մոնթ է կոչում, որ նշանակում է վանական դպրոցի աշակերտ, պարանի, փիրացու, որ սպասավորում կամ աշակերտում է որևէ վարդապետի²¹։ Կարծում ենք՝ Սարգսի հովանավորչական ամուր դիրքի մասին է խոսում վիմագրի՝ «ՈՂՈՐՄՈՒԹԵԱՄԲ ԻՄ ԴԱՐՈՆԱՑՆ ՇԱՏԸՆՇԱՏԻ ԵՖ ԻՐ ԵՂԱԲՐՅՆ...» արտահայտությունը, որից կարելի է եզրակացնել, որ Զաքարյան իշխանների հովանավորությունը վայելող մեկն է եղել Սարգիսը և վերջիններիս բարեհաճությամբ Ս. Տիփախմեի վանքին է հարկացրել նշյալ բնակությամբ դրամ ու պարիվ ունեցել արձանագրությունը թողնելու փաճարի գլխավոր մուտքի բարավորին։

Վիմագրերի ուսումնասիրությունը ցույց է տվել, որ բացի հոգևոր կառույցներին տրվող անշարժ ու շարժական գույքից, հարկապես Թ.-ԺԳ. դարերում մեծ են եղել նաև դրամական նվիրատվությունները, որի դիմաց նվիրատուները պարարագներ են ստացել եկեղեցական տարբեր փոխներին։ Պարարագների դիմաց նվիրաբերվել են հիմնականում քանական դահեկան կամ դեկան։ Բազմաթիվ են նաև արժաք դրամների նվիրաբերման վկայությունները, որոնցից մեկը քննվող նվիրագիրն է։ Դրանք կոչվել են նաև սպիրակ, դեկան, սրակ, դուկար, սպիրակ սուրանի, իսկ հեղադաշում՝ նաև թոման²²։

Դրամական նվիրատվությունները մեծ մասամբ ուղեկցվել են «հալալ ինչք», «հալալ արդիլնք», «հոգոյ բաժին», «արդար ինչք», «հոգո պահուստ» և այլ արտահայտություններով²³, իսկ խնդրո առարկա վիմագրում այն պարզապես կոչվում է «ՆԱԱԱ, ԴԱՐՏԲ», որը եզակի է իր փեսակում և կարելի է մեկնաբանել նվիրատուի կողմից իր իսկ ջանքերով, «հալալ քրպիլնքով» վաստակած դրամ, որն իբրև հոգու պարտք, հոգու բաժին նվիրաբերվում է փլյալ հոգևոր հաստատությանը։

Նամաձայն վիմագրի՝ նվիրատվության դիմաց Սարգիսն ստանալու է փարեկան երեք պարարագ Նայրնության փոխին՝ մեկն իր, մեկը Թաճերին, իսկ մյուսը՝ Ագարկենին։ Այն, որ նվիրատվությունների դիմաց հարկացվող պարարագները սահմանվում էին հիմնականում եկեղեցական փոխ օրերին, վկայում է նաև հիշյալ արձանագրությունը։ Այսպես պարարագը հարկացվում է Նայրնության փոխին, որ նույն Ասրվաձահայրությունն է։

Ս. Նայրնության փոխը դառնել է այն կրոնական փոխերի շարքը, որոնց ժամանակ ստացված եկամուտներից բաժին ունեին նաև փրկի վանականները²⁴։

Ինչ վերաբերում է Թաճերին, ապա նշենք, որ պարսկական ծագում ունեցող իզական այս անձնանունը հայոց մեջ առավել գործածական է եղել ԺԳ.-ԺԷ. դարերում։ Նր.

20 Տե՛ս Թ. Խ. Նալբոյան, Սյր. Տ. Մելիք-Բախչյան, Ն. Խ. Բարսեղյան, Նայաստանի և հարակից շրջանների փրկանությունների բառարան, հ. 3, Երևան, 1991, էջ 209։

21 «Նայերեն բացատրական բառարան», կազմեց՝ Սյր. Մալխասեանց, հ. III, Երևան, 1944, էջ 357։

22 Տե՛ս Լ. Սարգսյան, Նայաստանի նվիրատվական արձանագրությունները. (9-14-րդ դարեր), Երևան, 2007, էջ 84։

23 Տե՛ս Լ. Սարգսյան, անդ, էջ 85։

24 Գր. Մ. Գրիգորյան, անդ, էջ 207։

Աճառյանը այդ դարերում գործած մի քանի «Թ-աճեր»-ի է հիշարարվում, որոնցից է Խաչենի իշխան Պողոս որդու՝ Ամիր-Նասանի կին, Պապարի եղբայր Ուրանի դուստր Թ-աճերը, որ Էաչիի մայրն է²⁵։ Նրանց անունները հիշարարվում են Թ-անահապի վանքի Ս. Սյրեփանոս եկեղեցու արևմտյան մուրքի բարավորի՝ Նայոց ՉԾԶ. (1307) թվականը կրող վիմագրում²⁶։ Վերոնշյալ անուններից մի քանիսը հիշվում են նաև նույն եկեղեցու հարավային որմի վիմագրում։ Անձնանունների զուգահեռները և ժամանակային հարազատությունը մեր կողմից քննվող նվիրագրի հետ թույլ են տալիս երկմարելու՝ Թ-աճերի և Սարգսի վերը հիշված անձանց հետ ունեցած կապերի առումով։

«Ազարկեն»-ը հազվադեպ հանդիպող անձնանուն է, որ կարծես փոփոխված տարբերակն է ԺԳ. դարում սակավ հանդիպող «Ազարսիկին» իգական անձնանվան։ Ըստ Աճառյանի՝ կազմված է ազար+սիկին բառերից և մի անգամ գործածվում է ԺԳ. դարի ձեռագրերից մեկում²⁷։ Կարծում ենք՝ խնդրա առարկա նվիրագրում հիշարարվող «Ազարկեն»-ը Ազարսիկին անձնանվան Ազարկին - Ազարկեն ձևափոխված տարբերակն է։

Մեր որոնումները Սարգսին նաև մարեմագրության մեջ հիշված գրություն ակնկալիքով հանգեցրեց նրան, որ Թ-եղենյաց վանքում գրված քվյալ ժամանակաշրջանի ձեռագրերից մեկի հիշարարարանում հշվում է ոմն պարանի Սարգիս դպիր, որ միգուցե միևնույն անձն է։ Նա ևս հիշվում է այն անձանց շարքում, որոնց պետք է մարերեն ու աղոթեն²⁸։

Այսպիսով, արձանագրության համակողմանի քննությունը հուշում է, որ բացի այն, որ վիմագրում խոսքը եկեղեցական տոնի, պարարագի, դրամական նվիրատվության շուրջն է, այն նաև նոր լույս է սփռում Վաղարշապատի՝ քվյալ ժամանակաշրջանի աշխարհիկ ու հոգևոր կյանքի վրա։ Զարգացած միջնադարում Վաղարշապատի կրոնական հաստատությունների և մասնավորապես Ս. Նոսիփիմեի վանքի վերաբերյալ տեղեկությունները խիստ կցկտուր են, ինչն էլ հանգեցրել է այս վանքերի՝ անմխիթար ու ամայի վիճակում լինելու գաղափարին։ Սակայն, այս և համաժամանակյա մի քանի վիմագրերի առկայությունը գալիս է փաստելու ճիշտ հակառակը, քանի որ նվիրատվության իրողությունը քվյալ հոգևոր հաստատությանը, վկայում է այն, որ վանքը գործել է, ունեցել է միաբանություն ու հոգևոր դաս, ինչպես նաև կարևոր դեր խաղացել ժամանակի տնտեսական, քաղաքական ու հասարակական կյանքում։ Վիմագրերում հիշարարվող դրամական նվիրատվությունների թիվը շնորհիվ Ս. Նոսիփիմեի վանքի հիշյալ նվիրագրի՝ ավելացավ ևս մեկով։

25 Տե՛ս Նր. Աճառյան, Նայոց անձնանունների բառարան, հ. Բ, Երևան, 1944, էջ 281։

26 «Դիվան հայ վիմագրության», պր. III, էջ 76, արձ. 209։ Տե՛ս նաև Ի. Գ. Ղաթիբյան, Գաճոր, Երևան, 1983, էջ 116, արձ. 17։

27 Տե՛ս Նր. Աճառյան, Նայոց անձնանունների բառարան, հ. Ա., Երևան, 1942, էջ 54։

28 Տե՛ս «ԺԳ. դարի հայերեն ձեռագրերի հիշարարարաններ», կազմեց՝ Լ. Ս. Խաչիկյան, Երևան, 1950, էջ 7։